

Канон великомученикам Михаилу и Феодору Черниговским

Память празднуем 20 сентября (3 октября)

Тропарь, глас 4-й

Жизнь вашу мученически совершивше, исповедания венцы украсившися, к небесным востекосте, Михайле премудре, с доблим Феодором, молити Христа Бога, сохранить отечество ваше, град же и люди, по велицей Его милости.

Ин тропарь, глас 3-й

Блаженнии апостоли равночестнии, прияли есте венец от Христа, занеже того достойни Михайле Богомудре и Феодоре дивне, мир миру испросите, и душам нашим велию милость.

КАНОН, глас 4-й

Песнь 1

Ирмос: Моря чермную пучину невлажными стопами древний пешешествовав, Израиль крестообразными Моисеевыми руками Амаликову силу в пустыни победил есть.

Припев: Святии великомученицы Михайле и Феодоре, молити Бога о нас.

Твоими молитвами страстотерпче Михайле, благодать мне и просвещение с небес даруй, яко да возмогу похвалити доблести и страдания твоя.

Святии великомученицы Михайле и Феодоре, молити Бога о нас.

Божественным желанием разжигаемь, Михайле святе, с Феодором боярином, паки к вашему отечеству возвращаетесь, идеже мучения венцы от десницы Вышняго приясте, изрядно поминайте вас почитающих.

Слава: Царствия вечнующаго, и никакоже мимотекущаго воспоминая наслаждение, святе, царство земное преобидев, и вместо скиптра крест взял еси, и самозван к подвигом устремился еси, купно со страдавшим с тобою Феодором боярином.

И ныне: Святых Святейшая была еси, Дево Чистая, святых Святаго на руку Христа носивши, Божественною силою тварь содержащаго.

Песнь 3

Ирмос: Веселится о Тебе Церковь Твоя, Христе, зовущи: Ты моя крепость, Господи, и прибежище, и утверждение.

Святии великомученицы Михайле и Феодоре, молити Бога о нас.

Ярся зверь нечестивый, убить вас повелевает, сего скверным повелением повинутися не хотящих, и твари паче Творца не послужите, но Христу вопиясте: Свят еси, Господи.

Святии великомученицы Михайле и Феодоре, молити Бога о нас.

Любовию твоего Владыки снедаемь быв Михайле, купно с Феодором боярином, ничтоже земнаго вменисте, и Того желанием мучения чашу испите

усердно, Христу вопиюще: Свят еси, Господи.

Слава: Самозван от дальних стран отечество твоё пришед посетити, и злоименитаго царя богоборную прелесть обличити, от негоже пострадав, жертва Богу принеслся еси.

И ныне: Возстала еси, Чистая, паки падший мой образ, рождающая Виновнаго паче естественнаго воскресения.

Господи, помилуй (*трижды*).

Седален, глас 1-й

Камене твердо явитесь, и непреборими бысте мучителей прещением, Михайле славне и Феодоре премудре. Сего ради Российстии собори вопиют радостно: слава Укрепльшему вы, слава Венчавшему вы, слава Просвещшему вами весь мир.

Слава, и ныне: Проображаше таинственно древле Иисус Навин Креста образ, егда рuce простре крестовидно, Спасе мой, и ста солнце, дондеже враги низложи противостоящия Тебе Богу; ныне бо зайдет на Кресте Тя зря, и державу смертную разрушив, весь мир совоздвигл еси.

Песнь 4

Ирмос: Вознесена Ты видевши Церковь на Кресте, Солнце Праведное, ста в чине своём, достойно взывающи: слава силе Твоей, Господи.

Святити великомученицы Михайле и Феодоре, молите Бога о нас.

Богомерзскаго и злочестиваго царя неправедна и лукавейша паче всея земли, безбожную веру укористе, и лютаго беса обличивше прелесть, яко агнцы за Христа заклани бысте, и яко солнце по кончине просияли есте.

Святити великомученицы Михайле и Феодоре, молите Бога о нас.

Усты светлыми витийствуя, исповедал еси благочестно Единого Бога, Михайле, с пострадавшим с тобою Феодором: и сего ради злочестивый царь не терпя, повелевает убить вас на самой кончине Христа исповедающия.

Слава: О ярости царя злочестиваго и неправеднаго убийения! О терпения непобедимых страдалец! Иже по вере добре подвигшися, Христу вопияху: слава силе Твоей, Господи.

И ныне: Неискусобратно родила еси, о Дево! и по Рождестве явилася еси девствующи паки. Тем немолчными гласы, радуйся, Тебе, Владычице, верою несомненною вопием.

Песнь 5

Ирмос: Ты, Господи, мой Свет, в мир пришел еси, Свет Святый, обращаяй из мрачна неведения верою воспевающаяия Тя.

Святити великомученицы Михайле и Феодоре, молите Бога о нас.

Дивлюся, о царю! твоему безумию, и суетному глаголу, исповедниче Михайле рекл еси, и с благородным Феодором: твари паче Творца никакоже да будет нам поклоняться, она бо человека ради сотворена есть.

Святити великомученицы Михайле и Феодоре, молите Бога о нас.

Злочестивый он законопреступный Дюман, иже पहले веры христианския отвергся, не терпя твоего исповедания, зле огорчился, ножом отрезует главу твою честную, исповедниче Христов Михайле.

Слава: Аще честная святая телеса ваша и небрегома пребыша от кровоядец оных, повержена псом на снадение, но Бог соблюдале она, и столпом огненным осияваше, пресветлыми зарями.

И ныне: Бог в Тя, Богомати, вселися, человека назидая во тлю падшаго прелестию змия.

Песнь 6

Ирмос: Пожру Ти со гласом хваления, Господи, Церковь вопиет Ти, от бесовския крове очищися ради милости от ребр Твоих истекшею Кровию.

Святии великомученицы Михайле и Феодоре, молитв Бoga о нас.

Недоволен злочестивый быв мучитель, о убиении благочестиваго Михайла, покушашеся и страдальца Феодора лестию увещати: аще бо, рече, богом моим поклонишия, со мною во славе будеши, и имению господина твоего наследник будеши.

Святии великомученицы Михайле и Феодоре, молитв Бoga о нас.

Мне да не будет, о царю пребеззаконне! Христэ отрещися, и ложным твоим богом поклонитися. Мне бо еже жити Христос, и еже умерети за Него, приобретение.

Слава: От юности житие твое чисто явися, Пресвятаго Духа дарованием Феодоре, посреде бо злочестивых мучителей, твоему господину поборник был еси, и с ним на небесех присно веселишия.

И ныне: Излив первее яд во уши Евины змий вселукавый, ты же сего Единая оттрясла еси, Богомати, Истребителя сему рождши.

Господи, помилуй (*трижды*). Слава, и ныне:

Кондак, глас 8-й

Царство земное в ничтоже вменив, славу яко преходящую оставил еси, самозван пришед к подвигом, Троицу проповедал еси пред нечестивым мучителем, страстотерпче Михайле, с доблим Феодором, Царю Сил предстояще, молитв без вреда сохранити отечество ваше, град же и люди, да вас непрестанно почитаем.

Икос

Кто подвиги ваша и болезни возможет извещати, страстотерпцы, яже мужески претерпесте за веру Господню? и дарований, ихже сподобистеся, не довлеют уста человеческая исповедати. Премудростию бо украшени и мужеством, богатство и славу привременную возненавидесте, Михайле славный, и с пострадавшим с тобою дивным Феодором, с ним не разлучаетеся на земли и на небеси. Тем молитв без вреда сохранити отечество ваше, град же и люди, да вас непрестанно почитаем.

Песнь 7

Ирмос: В пещи авраамстии отроцы персидстей, любовию благочестия паче, нежели пламенем, опаляеми, взываху: благословен еси в храме славы Твоея, Господи.

Святии великомученицы Михайле и Феодоре, молитв Бoga о нас.

Ни любви содружницы, ни чад разлучению внимал еси, но сия вся в руки предав Божия, яко Творца и Промысленника всех, вопиял еси: благословен Бог

отцѣв наших (дважды).

Слава: Поревновав мужеству прежде бывших мучеников, тех блаженство и славу получил еси, достохвально Михайле, купно с Феодором, вопиюще: благословен Бог отцѣв наших.

И ныне: Вышняго Освященное Божественное Селение, радуйся, Тобою бо дадеся радость, Богородице, зовущим: благословена Ты в женах еси, Всенепорочная Владычице.

Песнь 8

Ирмос: Руце распростер, Даниил львов зыния в ровѣ затче; огненную же силу угасиша, добродетелию препоясавшися, благочестия рачители, отроцы, взывающе: благословите, вся дела Господня, Господа.

Святѣи великомученицы Михайле и Феодоре, молите Бога о нас.

Взирая на воздаяния, сущая на небесех всечестне, яже любящим Христос предуготова, и вопиющим Ему от души: благословите, вся дела Господня, Господа.

Святѣи великомученицы Михайле и Феодоре, молите Бога о нас.

Божественная мученик страдания воистинну превзыдоша похваления, паче слова и помышления, яко тленным телом безплотныя враги победиша, вопиюще: благословите, вся дела Господня, Господа.

Слава: Непоклебимъ в подвизах пребыл еси, паче же нечестивых сердца поколебал еси, видевших тя непреклонна, святѣ Михайле, купно с Феодором вопиюща: благословите, вся дела Господня, Господа.

И ныне: Таинство странно, истинно, под солнцем Единого показала еси, Бога бо родила еси, Чистая, Невидимаго и Безначальнаго, Невместимаго, всем Непостижимаго, Ему же вопием: благословите, вся дела Господня, Господа.

Песнь 9

Ирмос: Камень нерукосечный от несекомыя горы, Тебѣ, Дево, краеугольный отсечеса, Христос, совокупивый разстоящая естества. Тем, веселящися, Тя, Богородице, величаем.

Святѣи великомученицы Михайле и Феодоре, молите Бога о нас.

Приидите чистым сердцем и трезвою совестью, великомученика Михайла, с советником крепким Феодором, паче злата светящаяся зряще величаем.

Святѣи великомученицы Михайле и Феодоре, молите Бога о нас.

Светлая ваша, пребогати, победная храброствия на врага, видеВ Всевидящее Око подвиги ваша, венцы одоления венчает Спас душ наших.

Святѣи великомученицы Михайле и Феодоре, молите Бога о нас.

Воинства Ангелов удивившася, мучеников же лики и праведных собори согласно похвалиша Христа, таковое терпение вам даровавшего.

Слава: Непобедимая честная мученик двоица, на небесех живущи, певцы своя поминай, совершающих во хвалении священная ваша страдания, вас непрестанно величающих.

И ныне: Земля избавися от клятвы древня Рождеством Твоим. Тем же Тя, Богородительнице, величаем.